



Godišnji izvještaj

2021. godina



Muslim Aid Association informacije

Muslim Aid Association je nevladina organizacija koja od 2007. godine djeluje u Bosni i Hercegovini. U početku kao predstavništvo strane nevladine organizacije Muslim Aid Sarajevo, a od 2021. god. kao dio Muslim Aid porodice, pod nazivom Muslim Aid Association. Kroz programe pomoći nastojimo doći do svih onih kojima je pomoć stvarno i potrebna.

U skladu sa našim principima djelovanja razvili smo 4 programa u Bosni i Hercegovini:

1. Program socio-ekonomskog osnazivanja
2. Program podrške obrazovanju
3. Sezonski projekti
4. Hitni odgovori

Pored navedenog, imamo i poseban program koji podrazumijeva brigu o jetimima.

Osim praktične pomoći Muslim Aid Association pomaže zajednicama u ispitivanju uzroka siromaštva i nerazvijenosti te, zagovara ravnopravno društvo i održivu budućnost, te jednake razvojne šanse za svakog pojedinca u zajednici. Naši programi i projekti osmišljeni su na način da djeluju na izvore problema i nude modele za njihovo dugoročno rješavanje.

Kroz navedene programe Muslim Aid Association kreira i implementira projekte u cilju poboljšanja kvaliteta života svih stanovnika Bosne i Hercegovine.

Misija

Naša misija je da služimo čovječanstvu i obezbjeđujemo ne samo trenutnu pomoć nego i održive razvojne programe koji djeluju na same korijene siromaštva.

Vizija

Naša vizija je smanjenje siromaštva, edukacija za sve i obezbjeđivanje podrške osobama u stanju potrebe, u cilju stvaranja svijeta u kome humanost i suosjećanje grade pravdu, nezavisnost i ljudski razvoj.

Projekti u 2021. godini

Muslim Aid Association je u 2021. godini realizovao **18** projekata. Ukupna vrijednost realizovanih projekata je **2.735.744** KM. Projekti su realizovani u sklopu gore navedenih programskih aktivnosti a u skladu sa Muslim Aid Association ciljevima djelovanja. Nastavak dokumenta ilustruje realizovane projekte u okviru programa.

1. Socio-ekonomsko osnaživanje

U okviru ovoga programa realizovana su pet (5) projekta ukupne vrijednosti 1.777.488 KM koja su prikazana u nastavku.

1.1. ***Ekonomsko osnaživanje socijalno i materijalno ugroženih osoba kroz proizvodnju povrća u plastenicima***

Informacije o projektu

Projekat plasteničke proizvodnje je realizovan u 20 Općina/Gradova u BiH. Projekat je realizovan na proljeće kada je realizovan u 10 Općina/Gradova i na jesen kada je realizovan u ostalih 10 Općina/Gradova.

<i>Kod projekta</i>	<i>023/2021 - proljeće</i>
<i>Vremenski period realizacije projekta</i>	<i>Januar 2021-Juni 2022</i>
<i>Vrijednost projekta</i>	<i>620.200 KM</i>
<i>Projekt partneri</i>	<i>LDSC, Općine u BiH (dolje navedene)</i>
<i>Ukupan broj korisnika</i>	<i>200 korisnika</i>

Gradovi/Općine sa kojima je projekat realizovan na proljeće su: Vlasenica, Kakanj, Zenica, Bugojno, Jablanica, Sanski most, Ljubuški, Vogošća, Visoko, Ribnik.

<i>Kod projekta</i>	<i>117/2021 – jesen</i>
<i>Vremenski period realizacije projekta</i>	<i>Juli 2021- decembar 2022.</i>
<i>Vrijednost projekta</i>	<i>620.200 KM</i>
<i>Projekt partneri</i>	<i>LDSC, Općine u BiH (dolje navedene)</i>
<i>Ukupan broj korisnika</i>	<i>200 korisnika</i>

Gradovi/Općine sa kojima je projekat realizovan na jesen su: Konjic, Hadžići, Laktaši, Srbac, Prijedor, Banovići, Kostajnica, Bihać, Živinice, Srbac.

Genereralni cilj projekta je ekonomski osnažiti socijalno i materijalno ovisne osobe kroz proizvodnju povrća u plastenicima.

Specifični ciljevi projekta:

- Socijalno i materijalno osnažiti stanovništvo kroz dodjelu start up paketa
- Povećati nivo znanja i vještina kroz edukacije o plasteničkoj proizvodnji
- Povećanje površine pod plasteničkom proizvodnjom u BiH.

Projekti su obuhvatili 400 korisnika sa naglaskom na nezaposlene osobe, mlade osobe i invalidne osobe. Svaki korisnik je u okviru start-up paketa dobio platenik od 100m² sa sistemom za navodnjavanje, bačvom od 500l, crnom Mulch folijom, sadačem, vezovima i sadnicama za proljetnu/jesenju sjetvu. Projekat je koncipiran na bazi sufinansiranja gdje je Muslim Aid Association učestvovao sa 40% troškova nabavke i isporuke platenika i dodatne opreme. Gradovi/Općine su učestvovale sa 40% vrijednosti donirane start-up opreme i krajnji korisnici sa 20% od vrijednosti donirane opreme. Ograničeni pandemijom koronavirusa i povećanim brojem zaraženih osoba edukacije korisni/ka su realizovane online putem viber grupe. Svaka ostala komunikacija sa korisnicima je bila putem viber grupe.

1.2. Socijalno i ekonomsko osnaživanje stanovnika Općine Hadžići kroz dodjelu steonih junica

Kod projekta	176/2021
Vremenski period realizacije projekta	Juli 2021- Februar 2022.
Vrijednost projekta	133.673 KM
Projekt partneri	Općina Hadžići i Muslim Aid USA
Ukupan broj korisnika	36 korisnika

Projekat stočarstva je realizovan na području Općine Hadžići u toku 2021. godine. Projektom je socijalno i materijalno osnaženo 36 korisnika projekta kroz dodjelu steonih junica i transfer znanja u oblasti tehnologije ishrane i dobre stočarske prakse.

Generalni cilj projekta: socijalno i materijalno osnažiti stanovnike Općine Hadžići dodjelom steonih junica.

Specifični ciljevi projekta:

- Socijalno i materijalno osnaživanje stanovnika kroz dodjelu steonih junica,
- Unaprijeđenje znanja i vještina u ishrani stoke i tehnologiji uzgoja,
- Unaprijeđenje kvaliteta života i poljoprivrede stanovnika općine Hadžići

Realizovani projekat je koncipiran na bazi sufinansiranja gdje je Općina Hadžići obezbjedila finansijska sredstva za 24 korisnika u iznosu od 80% od ukupne vrijednosti steone junice. Korisnici, njih 24, su sufinansirali junice sa 20% od njihove nabavne vrijednosti. Muslim Aid USA je na osnovu loše socijalne i materijalne slike preostalih 12 korisnika projekta sufinansirao ostatak vrijednosti od 20% koja je trebala ići na teret 12 korisnika. Ostatak sredstava (80%) obezbjedila je Općina Hadžići. Projekat je realizovan tokom 3 isporuke steonih junica u 2021. godini.

1.3. Održivo pčelarstvo za marginalizirane porodice i ruralno stanovništvo

Kod projekta	090/2021
Vremenski period realizacije projekta	Januar 2021-Decembar 2022.
Vrijednost projekta	384.819 KM
Projekt partneri	Muslim Aid USA, Muslim Aid Sweden, Općina Jajce i Hadžići, Grad Livno
Ukupan broj korisnika	31 korisnik

Projekat pčelarstvo realizuje se u tri Općine/Grada BiH (Jajce, Livno, Hadžići) tokom 2021. godine i 2022. godine. Projekat je podijeljen u više povezanih dijelova (aktivnosti) koje imaju za cilj osnažiti sve stakeholdere u sektoru pčelarstva u navedenim Općinama/Gradovima.

Generalni cilj projekta je unaprijeđenje socio-ekonomskih uslova života mladih osoba i žena u ruralnim sredinama kroz donacije pčelarske opreme i jačanje pčelarskih organizacija u tehnološkom, strateškom i humanom smislu.

Specifični ciljevi projekta su:

- Povećanje kapaciteta individualnih pčelara kroz edukacije i doniranje start up paketa,
- Jačanje pčelarskih organizacija sa tehnološkim i „KNOW HOW“ rješenjima,
- Marketing označavanje proizvoda od meda kroz brendiranje i promotivne aktivnosti,
- Smanjenje siromaštva u ruralnim područjima.

Projekat pčelastva se realizuje tokom više projektnih aktivnosti. U prvoj godini (2021.) realizovane su sljedeće aktivnosti. Kroz tenderske aktivnosti odabrani su najpovoljniji ponuđači pčelinjih društava, opreme, procesnih mašina i ostalih repromaterijala. Trideset i šest korisnika projekta je kroz dodjelu start up paketa (5 pčelinjih društava, vrcaljke, odijela, dimilice, češljeve) osnaženo i ohrabreno da se bavi pčelarstvom. Akcenat projekta je bio na jačanju pčelarskih kapaciteta žena, mladih i nezaposlenih osoba. Kroz tematske praktične edukacije i edukacijske materijale svi korisnici su dodatno educirani u oblasti pčelarstva i osposobljeni za rad na svojim pčelinjacima.

Procesne mašine u formi mašina za preradu voska i pravljenje satnih osnova i pnnilice meda donirane su udruženjima i date na korištenje. Svečano otvaranje pčelarskog centra upriličeno je u Jajcu, dok će otvaranje pčelstkih centara u Livnu i Hadžićima biti realizovano na proljeće tekuće godine.

Projekat je koncipiran na bazi sufinansiranja gdje je Općina/Grad preuzeo obavezu sufinansiranja 50% od ukupne vrijednosti donirane opreme. Muslim Aid preuzima obavezu sufinansiranja 30% vrijednosti opreme i svih ostalih troškova projekta. Krajnji korisnici su svoje start up pakete sufinansirali u vrijednosti od 20%. Udruženja pčelara svoje sufinansiranje će u 2022. godini iskazati kroz dodjelu po pet pčelinjih društava svim pčelarima početnicima.

U 2022. godini planirano je razviti marketing oznaku za pčelinje proizvode i organizacija sajмова. Edukacije korisnika, praktične i teorijske, se nastavljaju.

1.4. **Ekonomsko jačanje žena u Varešu**

Kod projekta	246/2021
Vremenski period realizacije projekta	01.10. 2021. - 15. 01. 2022.
Vrijednost projekta	18.596 KM
Projekt partneri	Muslim Aid Švedska i Općina Vareš
Ukupan broj korisnika	20 marginaliziranih žena

Opći cilj projekta je bio smanjenje siromaštva i ekonomsko osnaživanje žena kroz ostvarivanje zarade prerađivanjem domaće hrane, poboljšanje marketing usluga proizvoda i prodaje.

Kroz ovaj projekat obezbjeđene su mašine i oprema za preradu voća i povrća (kao što su mašine za mljevenje i cjeđenje sokova voća i povrća, mašine za pasterizaciju hrane, vakumsko zatvaranje hrane itd.) za Udruženje žena "Zvijezda" Vareš (ukupno za cca 20 žena nosioca porodica, cc 55 direktnih korisnika). Također, obezbijedena je mala prodajna kućica kako bi se poljoprivredni proizvodi lakše prodavali i reklamirali. (dimenzija 3m x 2m sa svim dodacima uključujući frižider).

Projekt se implementirao na području općine Vareš.

2. Projekti obrazovanja

U okviru ovoga programa realizovano je šest (6) projekta ukupne vrijednosti 619.747 KM koja su prikazana u nastavku.

2.1. **The Rainbow Family Programme – Program stipendiranja djece**

Kod projekta	05/2020
Vremenski period realizacije projekta	Januar 2020-Juni 2021
Vrijednost projekta	77.238 KM
Projekt partneri	MA UK
Ukupan broj korisnika	222 korisnika

The Rainbow Family Programme projekat je stipendiranja socijalno i materijalno ugrožene djece, djeca bez jednog ili oba roditelja, djece povratnika i djece sa poteškoćama u razvoju.

Genereralni cilj projekta je podrška obrazovanju djece

Specifični ciljevi projekta:

- **Edukacija:** podržavamo obrazovne potrebe djeteta. Pristup školskim knjigama, školskim potrepštinama i kartama za prijevoz.
- **Emocionalna podrška:** pružanje podrške da bi se povećale šanse za uspješan završetak osnovnog i srednjeg obrazovanja.
- **Zaštita djece:** omogućavanje pristupa sistemu zaštite djece da bi se osiguralo sigurno okruženje bez straha od nasilja.

Projekat je obuhvatio 222 korisnika sa područja cijele BiH. Pružana je kontinuirana podrška obrazovanju djece putem stipendiranja i mentoringa. Mentoring je podrazumijevao posjete porodicama i saradnju na rješavanju određenih izazova. Djeca su bila dio programa do završetka srednje škole.

2.2. Program stipendiranja jetima

Kod projekta	/2020
Vremenski period realizacije projekta	Juni 2020-Juna 2022
Vrijednost projekta	127.678 KM
Projekt partneri	MA USA i lokalni donatori
Ukupan broj korisnika	138 korisnik

The orphan sponsorship programme projekat je stipendiranja jetima.

Genereralni cilj projekta je podrška obrazovanju djece jetima kao i ostale djece.

Specifični ciljevi projekta:

- **Edukacija:** podržavamo obrazovne potrebe djeteta. Pristup školskim knjigama, školskim potrepštinama i kartama za prijevoz.
- **Emocionalna podrška:** pružanje podrške da bi se povećale šanse za uspješan završetak osnovnog i srednjeg obrazovanja.

Projekat je obuhvatio 138 korisnika sa područja cijele BiH. Pruža se kontinuirana podrška obrazovanju djece putem stipendiranja, kao i kroz podrška porodicama kroz druge MAA projekte (renoviranje kuća, ramazan). Djeca su dio programa do završetka srednje škole.

2.3. Renoviranje kuća jetima u B&H

Kod projekta	080/2021
Vremenski period realizacije projekta	Juli - Novembar 2021
Vrijednost projekta	56.793 KM
Projekt partneri	MA USA
Ukupan broj korisnika	7 porodica

Genereralni cilj projekta je podrška djeci bez roditelja u BiH

Specifični ciljevi projekta:

- Poboljšati uslove stanovanja kroz renoviranje stambenih objekata porodica djece jetima.
- Poboljšati zdravstvene uslove za porodice

Projekat je podrazumjevaao renoviranje stambenih jedinica za 7 porodica jetima. U zavisnosti od potreba urađeno je od manjih popravki, npr. elektroinstalacija do većih poput zamjene krova, zidanja sprata kuće i promjene stolarije. Porodice su odabrane da budu dio projekta po principu urgentnosti i finansijskoj situaciji.

2.4. CBM Projekat (Jačanje kapaciteta škola i lokalnih zajednica)

Kod projekta	038/2021
Vremenski period realizacije projekta	Juli 2021-Juni 2022
Vrijednost projekta	337.405 KM
Projekt partneri	MA UK
Ukupan broj korisnika	1.078 korisnika

CBM projekat je projekat podrške lokalnim zajednicama Sapna i Memići kroz jačanje kapaciteta škola „Memići“ i „Sapna“.

Genereralni cilj projekta je podrška obrazovanju djece

Specifični ciljevi projekta:

- Renoviranje školskih zgrada
- Bolji pristup didaktičkim materijalima, kompjuterima, printerima i drugoj opremi, kao i školskom namještaju
- Unapređenje informatičke pismenosti nastavnika
- Unapređeno znanje o oralnom zdravlju i unapređeno oralno zdravlje učenika u svim školama

Cilj CBM projekta je pružiti podršku učenicima i nastavnicima ovih škola u kreiranju boljeg okruženja za obrazovanje. Projekat se provodi u više etapa: kroz jačanje kapaciteta nastavnika putem informatičke edukacije; renoviranjem škola (promjena stolarije, zamjena krova i postavljanje fasade); nabavkom informatičke i druge opreme; opremanjem kabineta sa klupama i stolicama te besplatnim stomatološkim pregledima i uslugama za 957 učenika.

2.5. Mobilna biblioteka Molly

Kod projekta	ML-002
Vremenski period realizacije projekta	Juni 2020-Juna 2022
Vrijednost projekta	7.750 KM
Projekt partneri	Građani
Ukupan broj korisnika	1.000 korisnik

Genereralni cilj je podrška i snabdijevanje osnovnih područnih škola sa školskim lektirou, stručnom literaturom za nastavnike i edukativnim DVD-ma za djecu od 6 - 15 godina.

Mobilna biblioteka projekt "Molly" počeo je sa radom u novembru 2010. godine, do sada je opsluživala oko 39 osnovnih škola i oko 5000 djece u udaljenim selima Centralnog Podrinja, općine: Bratunac, Milići, Srebrenica, Vlasenica, Zvornik i Sapna, u Istočnoj Bosni sa knjigama lektire koja se obrađuje po nastavnom planu i programu FBiH, RS-a i kombinovanom programu FBiH i RS-a. Ovim projektom podstiče se obrazovanje kroz promoviranje/podsticanje čitanja knjiga, društvene igre i druge edukativne materijale i aktivnosti. Od februara 2011. godine u sklopu mobilne biblioteke "Molly" funkcioniše i mobilno kino.

2.6. Donacija IT opreme za marginalizirane škole u doba pandemije koronavirusa

Kod projekta	017/2021
Vremenski period realizacije projekta	Januar- februar 2021.
Vrijednost projekta	12.883 KM
Projekt partneri	UK GHRF
Ukupan broj korisnika	100 korisnika

Genereralni cilj projekta je doprinijeti poboljšanju obrazovanja i jednakim mogućnostima djece u potrebi u Bosni i Hercegovini pogođenoj pandemijom koronavirusa.

Specifični ciljevi projekta:

- 2 osnovne škole u potrebi opremljene sa 5 laptopa ili 15 stonih računara na području Kanton ZE-DO i Istočne Bosne
- Poboljšani kapaciteti za nastavu i učenje za najmanje 100 djece i 2-4 nastavnika.

3. Sezonski projekti

U okviru ovoga programa realizovano je šest (6) projekta ukupne vrijednosti 294.702 KM koja su prikazana u nastavku.

3.1. Winterisation Projekat 2021 (Zimski projekat podrške jetimima)

Kod projekta	126/2021
Vremenski period realizacije projekta	15. novembar 2021- 15. januar 2021.
Vrijednost projekta	33.688 KM
Projekt partneri	Muslim Aid USA
Ukupan broj korisnika	56 korisnika

Ovaj projekt je osigurao drva za grijanje i peći na drva tokom zime 2021/2022. za 56 ugroženih porodica jetima koji primaju sponzorstvo od Muslim Aid USA.

Opći cilj projekta:

Povećati sposobnost ciljanih obitelji siročadi da se nose s hladnim vremenskim uvjetima tijekom zime 2021/22.

Specifični ciljevi projekta:

1. Povećan pristup drvima za grijanje i pećima za 56 porodica jetima
2. Poboljšanje zdravlja za 56 obitelji bez roditelja

Projekt se implementirao u 5 kantona: Kanton Sarajevo, Tuzlanski kanton, Zeničko-Dobojski kanton, Srednjo-bosanski i Hercegovačko-neretvanski kanton.

Projekat je pridonijeo poboljšanju zdravstvenih i obrazovnih rezultata tokom zime te je olakšao finansijski teret porodica tokom zimskih mjeseci, kada su troškovi života veći, a mogućnosti sezonskog zapošljavanja manja nego u ostatku godine.

3.2. Winterisation Projekat u Istočnoj Bosni (Zimski projekat podrške u Istočnoj Bosni)

Kod projekta	074/2021
Vremenski period realizacije projekta	10. novembar 2021- 30. mart 2022.
Vrijednost projekta	115.000 BAM
Projekt partneri	Muslim Aid UK
Ukupan broj korisnika	858 korisnika

Ovaj projekt je osigurao toplu obuću i odjeću za 87 marginalizirane djece, 6 peći na drva za 5 seoskih škola i utopljavanje jedne velike povratničke osnovne škole Meša Selimović u Janji za 646 djece i 51 nastavnika/ca.

Opći cilj projekta je da doprinese povećanom pristupu grijanja i poboljšanoj energetske efikasnosti u osam marginalizovanih škola, kao i povećana pripremljenost djece za zimske uslove.

Projekt se implementirao u Istočnoj Bosni u sljedećim školama: Meša Selimović Janja, Nova Kasaba, Srebrenica Osmaće, Srebrenica Osat, Sv. Sava Zvornik Kula Grad, Sv. Sava Zvornik Liplje, Srebrenica Sućeska, Srebrenica Žutica, Voljavica Bratunac, Snagovo mekteb, Foča Jeleč.

3.3. Ramazan Projekat MAUK i MAUSA

Kod projekta	022/2021 i 012/2021
Vremenski period realizacije projekta	01. aprila 2021 - 31. maja 2021.
Vrijednost projekta	44.000 KM i 59.456 KM
Projekt partneri	Muslim Aid UK i MAUSA
Ukupan broj korisnika	Preko 2.000 pojedinaca

Opći cilj projekta je doprinijeo smanjenju siromaštva postača tokom mjeseca Ramazana.

Specifični ciljevi projekta:

1. 550 marginaliziranih porodica je poboljšalo nutritivni unos tokom Ramazana kroz dodjelu kvalitetnih paketa hrane
2. 250 marginaliziranih porodica je primilo zekat na kraju mjeseca ramazana (žene žrtve rata, porodice djece sa invaliditetom, demobilizirani ratni borci sa PTSP, ratno vojni invalidi).
3. 120 jetima stipendista Muslim Aid USA je primilo Bajramske paketiće u slatkišima i školskom priboru.

Projekt se implementirao u sljedećim općinama / gradovima / kantonima: Kanton Sarajevo, Tuzla, Foča, Vareš, Brčko, Travnik, Zenica, Bugojno, Goražde i Istočna Bosna.

3.4. Kurban Projekat MAUK i MAUSA

Kod projekta	049/2021 i 060/2021
Vremenski period realizacije projekta	01. juli 2021. - 31. juli 2021.
Vrijednost projekta	32.916 KM i 9.642 KM
Projekt partneri	Muslim Aid UK i MAUSA
Ukupan broj korisnika	Oko 2975 pojedinaca

Opći cilj projekta je bio doprinijeti radu javnih kuhinja i obezbjeđivanju hrane za korisnike kuhinja za vrijeme Kurban Bajrama a i za duži period, kao i obezbjeđenju kurbanskog mesa za pojednice marginaliziranih porodica.

Specifični ciljevi projekta:

1. Obezbijediti oko 1000 porodica sa boljim nutritivnim unosom tokom kurban bajrama, kroz obezbjeđivanje kvalitetnog kurbanskog mesa.
2. Obezbijediti oko 2975 pojedinaca žena žrtava rata, porodica osoba sa invaliditetom, starijih osoba, korisnika narodnih kuhinja itd sa kurbanskim mesom.

Projekt se implementirao u sljedećim narodnim kuhinjama i selima: Maglaj, Zavidovići, Tuzla, Kalesija, Sapna, Vareš.

4. Hitni projekti

U okviru ovoga programa realizovano je jedan (1) projekta ukupne vrijednosti 43.807 KM koja su prikazana u nastavku.

4.1. Hitna podrška migrantima u kampu Lipa i migrantima koji stižu u grad Bihać 2021

<i>Kod projekta</i>	029/2021
<i>Vremenski period realizacije projekta</i>	01.03.2021 - 31.05. 2021
<i>Vrijednost projekta</i>	43.807 BAM
<i>Projekt partneri</i>	MA UK
<i>Ukupan broj korisnika</i>	1100 - 1300 direktnih korisnika (migranti)
	900 indirektnih korisnika javnih kuhinja

Generalni cilj projekta je doprinijeti poboljšanju stanja ugroženih izbjeglica u kampu Lipa i gradu Bihaću.

Specifični ciljevi projekta:

- Poboljšati nutritivni unos obroka za 800-1000 ugroženih izbjeglica u kampu Lipa kroz redovnu dodjelu kvalitetnih obroka preko udruženja Pomozi.ba
- Donacija velike industrijske peći za pravljenje obroka za Udruženje Pomozi.ba, kako bi se moglo kontinuirano praviti obroci za migrante, a i redovne korisnike javne kuhinje u Bihaću
- Poboljšati stanje za najmanje 300 ugroženih izbjeglica na ulici koje stižu u grad Bihać kroz dodjelu vaučera za kupovinu hrane i higijenskih potrepština

Projekt se implementirao na području grada Bihaća i kamp Lipa.

ZAKLJUČAK

Muslim Aid Association je u 2021. godini u skladu sa svojom misijom i vizijom realizovao ukupno 18 projekata. Projekti su realizovani iz oblasti socio-ekonomskog osnaživanja, obrazovanja, sezonskih programskih aktivnosti i hitnih projekata. Lokacije realizacije projekata su lokaliteti širom BiH kako je to predstavljeno u narativnom dijelu iznad. Primarni partneri na projektima su kao i prethodnih godina bili Muslim Aid UK, Muslim Aid USA, Muslim Aid Sweden i LDSC (The Church of Jesus of Latter -day Saint Bosnia and Herzegovina). Pored toga, partnerstvo je razvijano sa jedinicama lokalne samouprave Općinama/Gradovima, Osnovnim školama i drugim organizacijama. U toku prošle godine nastavljena je realizacija projekta plasteničke proizvodnje, projekta stočarstva a započeo je i projekat pčelarstva koji se nastavlja i tekuće godine. Projekti stipendiranja jetima i Molly biblioteke su nastavljani i u 2021. godini a započeo je i CBM projekat kojim su obuhvaćene različite aktivnosti na revitalizaciji škola i poboljšanju znanja i vještina svih stakeholdera u aspektu obrazovanja. Pored toga, realizovan je i projekat obnove kuća za 7 porodica u skladu sa njihovim potrebama. Ramazanski i bajramske aktivnosti realizovane su u skladu sa prethodno projektovanim ciljevima. Hitni projekti odnosili su se na pomoć migrantima u Bihaću.

Sarajevo, februar 2022.